

ՏՊԱԳՐՈՒԹԵԱՆ ԵՒ ՏԱՌԵՐԻ ԳԻՒՏԻ ԹՕ-
ԲԵԼԵԱՆԸ

—

Նոր-Նախիջևանի Հայոց Բարեգործական
Ընկերութեան կողմից՝ նրա նախագահ Գր.
Զալխուշեանը հոկտ. 12-ին հեռագրով հեռա-
գիրն է տուել էջմիածին՝ վեհափառ կաթո-
ղիկոսի անունով.

«Նորին Ս. Ստեփանն Գէորգ Ն Պատ-
րիարքին և կաթողիկոսին Ամենայն Հայոց.

«Այբուբենը և տպագրական մամուլը մեզ
փրկում են տգիտութիւնից ու կեղծիքից,
որոնց մէջ խարխափում են անգրագէտները:
Կայն բանալով մեր առաջ բոլոր գիտու-
թիւնների դռները, նրանք գիտութիւնների
լուսաւոր ուղիով տանում են մեզ դէպի
մեծ ու սրբազան ճշմարտութիւնը, որպի-
սին միայն պէտք է լինի մեր կեանքի
նպատակն ու ձգտումը:

«Ու մեր ժողովրդական տօնի մեծ օրը
խոնարհելով մեր գլուխը մեծ սրբի ածիւ-
նի առաջ, սրբի, որ տուեց մեզ այբուբեն,
Հայոց Բարեգործական Ընկերութեան կող-
մից՝ ես ողջունում եմ Ձեզ, Ձերդ վեհա-
փառութիւն, և բոլոր ներկայ եղողներին և
բովանդակ սրտով Ձեզ հետ միասին խա կը
կամենայի բարձր աղաղակել, որպէսզի ինձ
լսէին բոլոր հայերը. «Հայրենակիցներս,
գիտութիւնից դուրս չը կայ խելացի
կեանք. գիտութիւնները ապրում են այ-
բուբենով ու տպագրական մատուցով. թող
ուրեմն այսուհետև իւրաքանչիւր գիտակից
ու ազնիւ հայի նպատակը լինի՝ աշխատել
դպրոցական ֆօնդի ուժեղացմանը, որպէսզի
կարող լինենք ապահովել բոլոր հայերի ուս-
ման գործը, որպէսզի չը լինի և ոչ մի ան-
գրագէտ»:

«Այդ ուրախալի, բեղուն, լուսաւոր օրը
դեռ շատ հեռու է, քանի մեր շուրջը տի-
րում են սոսկ խաւարը. և ես խորապէս հա-
ւատում եմ, որ այդ օրը՝ մեր Մեսիան՝
կը գայ Ապա ուրեմն աշխատենք և ապրենք
յանուն այդ օրվայ իրականացման»:

—

Թիֆլիսում հրատարակվող վրաց «Թեմի»
թերթը հոկտեմբերի 14-ի իր առաջնոր-
դող յօդուածով ողջունում է իր եղբայրա-
կից և հարևան հայ ազգի մեծ յօբելիանը,
տալով սկզբում մինչև տասերի գիւտը Հա-
յաստանում տիրող դրուձեկան հակիրճ նկա-
րագիրը և Մեսրոպի ու Սահակի գործու-
նէութիւնը ամփոփ: